

RREGULLORE E STUDIMEVE
“MASTER I SHKENCAVE” NË SHKENCAT THEMELORE ISLAME

KREU 1

DISPOZITA TË PËRGJITHSHME

Neni 1

Objekti i Rregullores

Rregullorja e studimeve “Master i Shkencave” në program e studimit “Shkencat Themelore Islame”, përcakton parimet e funksionimit të këtij programi.

Neni 2

Baza Ligjore

Rregullorja e Programeve të Studimit të Ciklit të Dytë të Shkollës së Lartë “Hëna e Plotë - BEDER” mbështetet në Ligjin Nr. 9741, datë 21.05.2007, “Për Arsimin e Lartë në Republikën e Shqipërisë”, i ndryshuar me Ligjin nr. 10307, datë 22.07.2010 “Për Disa Ndryshime dhe Shtesa në Ligjin nr. 9741, datë 21.05.2007, “Për Arsimin e Lartë në Republikën e Shqipërisë”, në licencën e dhënë me Vendimin e Këshillit të Ministrave Nr. 286, datë 6.4.2011, “Për licencimin e Institucionit Privat të Arsimit të Lartë Shkolla e Lartë “Hëna e Plotë – BEDER”, në Udhëzimin e Ministrisë së Arsimit dhe Shkencës nr. 14, datë 03.04.2008 “Për hapjen dhe organizimin e programeve të studimit të ciklit të dytë në institucionet publike të arsimit të lartë”, në Udhëzimin e Ministrisë së Arsimit dhe Shkencës nr. 15, datë 04.04.2008 “Për organizimin e studimeve në institucionet publike të arsimit të lartë” si dhe në Statutin dhe Rregulloren Themelore të këtij institucioni.

KREU 2

PËRMBAJTJA E PROGRAMIT

Neni 3

Objektivat formues specifikë të programit

Në zbatim të Ligjit për Arsimin e Lartë në Republikën e Shqipërisë, si dhe Deklaratës së Bolonjës, studentët që mbarojnë studimet në ciklin tre vjeçar mund të vazhdojnë studimet e tyre në Ciklin e Dytë “Master i Shkencave” apo “Master Profesional”.

Programi “Master i Shkencave” në Shkencat Themelore Islame, ofron përgatitje akademike të përparuar në fushën e shkencave bazë të fesë islame.

Të diplomuarit e këtij program studimi do të kenë përparësi në fushën dijeve fetare, si dhe do të kenë akoma më shumë përparësi në shkallët e karrierës drejt lidërshiptit në këtë fushë.

Synimet kryesore të programit janë:

- të përgatisë të diplomuar të suksesshëm, me aftësi të thella profesionale, cilësi të larta morale dhe shoqërore për t'u kthyer në modele frymëzues dhe motivues për shoqërinë;
- të përgatisë njerëz të aftë për të punuar në ambiente publike dhe private;
- të përgatisë profesionistë të motivuar për të punuar në të gjitha zonat e vendit dhe më gjerë;
- të zhvillojë aftësitë e të menduarit kritik, të komunikuarit saktë dhe me kuptim të qartë të dimensioneve etike në profesion;
- Të përgatisë ekspertë të kërkuar nga tregu i punës;
- Të mundësojë një kualifikim shkencor të profesionistëve të rinj me njohuritë e thelluara të shkencave islame në tërësi;
- Të krijojë baza të qëndrueshme njohurish për studimet e ciklit të tretë doktoratës, duke përfshirë aftësimin për kërkimin shkencor dhe plotësimin e parakushteve (njohuri, aftësi dhe kompetenca) për pranimin në ciklin e tretë të studimeve;

Këto synime do të sendërtohen në objektivat e përgjithshme që ka ky program studimi, si:

- t'u japë të diplomuarëve arsimimin e duhur dhe trajnimin e thelluar në fushën e shkencave themelore islame;
- të përpiqet për të realizuar një status të ri të teologut në kushtet dhe zhvillimet e reja ekonomiko-politiko-shoqërore që janë krijuar në ditët e sotme;
- programi do të shtrojë alternativa konkrete për zhvillimin e fesë në Shqipëri dhe të japë ndihmesën e vet për krijimin e një elite të re të teologëve të fesë islame.

Neni 4

Organizimi i Studimeve

Studimet e ciklit të dytë “Master i Shkencave” në program studimin Shkencat Themelore Islame organizohen sipas sistemit me kohë të plotë.

Programi i studimeve realizohet me 120 ECTS, në përputhje me planin mësimor të propozuar nga departamenti i Shkencave Islame, me vendim Këshillit të Fakultetit dhe miratur me vendim të Senatit Akademik të Shkollës së Lartë “Hëna e Plotë” (Bedër).

Studentët që përfundojnë me sukses të gjitha detyrimet e kërkuara nga programi Master i Shkencave në Shkencat Themelore Islame pajisen me diplomë “*Master i Shkencave në Shkencat Themelore Islame*”.

Neni 5

Gjuha e Studimeve

Gjuhët e studimit në programin “Master i Shkencave” në program - studimin Shkencat Themelore Islame janë në turqisht, arabisht dhe në anglisht.

Neni 6

Lista e disiplinave mësimore dhe veprimtaritë e tjera formuese

Lista e disiplinave mësimore dhe veprimtarive të tjera formuese të programit është si më poshtë:

T - Orë teorike

P - Orë praktike

K - Kredite sipas Sistemit Amerikan

ECTS - Sistemi Evropian i transferimit të krediteve

VITI II										
Semestri I										
Nr .	Kodi i lëndës	Lënda	Pedagogu i lëndës	Lloji i lëndës	Gjuha	Grupi i lëndës	Leksione / Seminare	Punë Individuale	Kredi	ECTS
1	ISC 533	Sociologji e Fesë	Dr. Bayram Karçı	E detyrueshme	Turqisht/Anglisht	C	48	102	3	6
2	ISC 521	Studime Rreth Historisë Islame	Dr. Reşit Haylamaz	E detyrueshme	Turqisht	B	48	102	3	6
3	ISC 511	Studime Rrethj Shkencës së Jurisprudencës Islame	Prof. Dr. Ayhan Tekineş	E detyrueshme	Turqisht/Arabisht	B	48	102	3	6
4	ISC 531	Problematikat e Edukimit Fetar	Dr. Bayram Karçı	E detyrueshme	Turqisht/Anglisht	B	48	102	3	6
5		Lëndë me Zgjedhje		Me zgjedhje		D	48	102	3	6
6	ISC 535	Rrymat Moderne të Filozofisë	Dr. Bayram Karçı	Me zgjedhje	Turqisht/Anglisht	D	48	102	3	6
7	ISC 513	Problematikat Moderne të Kelamit	Dr. Mohamed Fatahallah Elmitwalli	Me zgjedhje	Arabisht	D	48	102	3	6
8	ISC 541	Konsultim dhe Orientim Fetar	Prof. Dr. Ali Seyyar	Me zgjedhje	Anglisht/Turqisht	D	48	102	3	6

Semestri II										
Nr.	Kodi i lëndës	Lënda	Pedagogu i lëndës	Lloji i lëndës	Gjuha	Grupi i lëndës	Leksione / Seminare	Punë Individuale	Kredi	ECTS
1	ISC 598	Mikroteza		E detyrueshme		F	120	580	3	30

PLANI MËSIMOR MASTER NE SHKENCAT THEMELORE ISLAME			
Tipi i Veprimtarisë (A-F)	Lënda/Moduli	Kreditet	Shuma
Veprimtari në disiplina të formimit të përgjithshëm (A)	Metoda Kërkimore	6	12
	Teknikat dhe Metodat Kërkimore në Shkencat Sociale	6	
Veprimtari në disiplina të formimit karakterizues (B)	Problematikat Themelore të Filozofisë së Fesë	6	66
	Problematikat Kryesore të Shkencës së Hadithit	6	
	Historia e Krahasuar e Religjoneve	6	
	Problematikat Kryesore të Metodologjisë së Jurisprudencës Islame	6	
	Relata Midis Fesë dhe Shkencës	6	
	Metodat e Interpretimit të Haditheve	6	
	Ekolet e Tefsirit	6	
	Seminare	6	
	Studime Rreth Historisë Islame	6	
	Studime Rrethj Shkencës së Jurisprudencës Islame	6	
Problematikat e Edukimit Fetar	6		
Veprimtaria në disiplina të ngjashme dhe/ose integrale (C)	Sociologji e Fesë	6	6
Veprimtari në disiplina me zgjedhje (D)	Rrymat Moderne të Filozofisë	6	6
	Problematikat Moderne të Kelamit	6	
	Konsultim dhe Orientim Fetar	6	
Teza e diplomës (F)		30	30

Formim i përgjithshëm : 12 ECTS

Formimi bazë : 66 ECTS

Lëndët në disiplina të ngjashme : 6 ECTS

Lëndët me zgjedhje : 6 ECTS

Mikroteza : 30 ECTS

Neni 7

Kompetencat dhe objektivat formuese të veçanta të çdo veprimtarie formuese

Kompetencat dhe objektivat formues të çdo lëndë, pjesë e kurrikulës mësimore, parashikohen në syllabuset respektivë.

Neni 8

Kreditet dhe detyrimet penguese për çdo disiplinë mësimore apo veprimtarie tjetër formuese

Programet e studimit të ciklit të parë, që mundësojnë pranimin në Programin “Master i Shkencave” në program - studimin Shkencat Themelore Islame:

a. Pa plotësim të njohurive formuese para hyrjes në program - studim:

Nga i njëjti institucion i arsimit të lartë	Programi akademik	Kredite për t'u plotësuar
Programi apo programet e ciklit të parë për të cilët nuk kërkohet plotësim i njohurive formuese	Shkenca Islame	0 Kredite

Nga institucione të tjera të arsimit të lartë	Programi akademik	Kredite për t'u plotësuar
Programi apo programet e ciklit të parë për të cilët nuk kërkohet plotësim i njohurive formuese	Shkenca Islame	0 Kredite

b. Me plotësim të njohurive formuese para hyrjes në program:

Studentët të cilët nuk paraqisin rezultat të mjaftueshëm në provimet e përjashtimit prej marrjes së lëndëve të gjuhës arabe, të cilët zhvillohen çdo vit në Shkollën e Lartë Bedër prej Departamentit të Shkencave Islame, është i detyruar të plotësojë lëndët e mëposhtme për t'u pranuar në programin *Master i Shkencave në Shkencat Themelore Islame* pranë Shkollës së Lartë Bedër.

Nga i njëjti institucion i arsimit të lartë	Programi akademik	Lëndët	Kredite për t'u plotësuar
Programi apo programet e ciklit të parë për të cilët kërkohet plotësim i njohurive formuese, shoqëruar me numrin e krediteve për t'u plotësuar	1. Shkenca Komunikimi	Gjuhë arabe I	10 ECTS
	2. Drejtësi 3. Shkenca Islame 4. Gjuhë dhe Letërsi Angleze 5. Gjuhë dhe Letërsi Turke 6. Shkenca Edukimi	Gjuhë arabe II	10 ECTS
	Totali	2 Lëndë	20 ECTS

Nga institucione të tjera të arsimit të lartë	Programi akademik	Lëndët	Kreditë për t'u plotësuar
Programi apo programet e ciklit të parë për të cilët kërkohet plotësim i njohurive formuese, shoqëruar me numrin e krediteve për t'u plotësuar	<ol style="list-style-type: none"> 1. Shkenca Komunikimi 2. Drejtësi 3. Gjuhë dhe Letërsi Angleze 4. Gjuhë dhe Letërsi Turke 5. Shkenca Edukimi Media 6. Marrëdhënie Publike 7. Gjuhësi 8. Gjuhë-Letërsi 9. Filozofi-Sociologji 10. Gjuhë-Letërsi 11. Gjuhë e Huaj 12. Psikologji 13. Shkenca Politike 14. Marrëdhënie Ndërkombëtare 15. Administrim Biznesi 16. Ekonomiks 17. Financë-Bankë 18. Eletronikë 19. Informatikë 20. Teknologji Informacioni 21. Inxhinieri Ndërtimi 22. Inxhinieri Mekanike 23. Inxhinieri Mjedesi 24. Inxhinieri Kompjuterike 25. Arkitekturë <p style="text-align: center;">... dhe fusha të tjera të ngjashme</p>	<p>Gjuhë arabe I</p> <p>Gjuhë arabe II</p>	<p>10 ECTS</p> <p>10 ECTS</p>
	Totali	2 Lëndë	20 ECTS

Neni 9

Njohja e krediteve për njohuri të fituara më parë

Në përputhje me legjislacionin në fuqi, Komiteti Shkencor mund të njohë si kredite të formimeve universitare në Programin e Studimeve të Ciklit të Dytë “Master i Shkencave” në Shkencat Themelore Islame deri në 40 ECTS të njohurive të veprimtarive formuese të fituara më parë nga studenti, të cilat janë në përputhje me objektivat specifike të programit.

Neni 10

Forma e studimit, provimet dhe verifikimeve të tjera të dijeve të fituara nga studentët

Programi i studimit përbëhet nga 15 lëndë si dhe teza e diplomës, e cila zhvillohet në përfundim të programeve të studimit të Ciklit të Dytë.

1 vit akademik ka 32 javë mësimore në auditor, përfshirë edhe javën e provimeve

1 semestër ka 16 javë mësimore në auditor, përfshirë edhe javën e provimeve

1 ECTS = 25 orë mësimore punë të studentit

1 orë mësimore = 60 minuta

Studenti realizon çdo vit jo më pak se 1500 orë pune.

Programi organizohet në dy vite akademike, i ndarë në katër semestra

Një vit akademik ka 60 ECTS

Procesi mësimor përbëhet nga leksionet dhe seminarët, të cilat kryesisht jepen në mënyrë të integruar, projektet/detyra, dhe punime të tjera të ngjashme të parashikuara në programin mësimor si dhe sylabusët përkatëse të lëndëve.

Vlerësimi sipas sistemit evropian të transferimit të krediteve (ECTS) nga pikëpamja akademike për leksionet/seminarët, projektet/detyra, dhe punime të tjera të ngjashme bëhet në bazë të njësisë matëse orë të zhvilluar në auditor.

Vlera e krediteve sipas sistemit amerikan të vlerësimit të një lëndë përbëhet nga shuma e të gjithë orëve javore të leksioneve teorikë javorë dhe sa gjysma e orëve javore të aplikimeve, laboratorëve, projekteve dhe punës në atelje.

Niveli i suksesit të studentit vlerësohet mbi bazën e provimeve semestralë; detyrave të kursit; prezantimeve; aktivizimeve dhe projekteve. Me propozim të drejtuesit të programit përkatës dhe vendim të Komitetit Shkencor, studentit i jepet e drejta të hyjë në provim, nëse nuk ka hyrë gjatë vitit për shkaqe të arsyeshme dhe të dokumentuara, brenda shtatë ditëve nga dita e provimit.

Neni 11

Frekuentimi

Studenti në programin e studimit ka detyrimin të ndjekë të mbi 70% të aktiviteteve mësimore - kërkimore të zhvilluara në auditor të lëndëve teorike dhe të aktiviteteve mësimore-kërkimore. Studentët të cilët tejkalojnë këtë normë duhet ta rimarrin përsëri atë lëndë me të gjitha detyrimet përkatëse.

Plotësimi apo jo i kushteve në lidhje me pjesëmarrjen, i paraqitet sekretarit të departamentit nga ana e pedagogut të lëndës çdo muaj dhe kontrollohet nga përgjegjësi i Departamentit.

Neni 12

Transferimi i studentëve

Kuotat për transferimet në Programin “Master i Shkencave” në programin e studimit Shkencat Themelore Islame përcaktohen nga Komiteti Shkencor dhe miratohen nga Këshilli i Administrimit të Fakultetit, duke u bazuar në parimet e vendosura nga ky Këshill.

Studentët të cilët studiojnë në programe të Ciklit të Dytë ose ekuivalentë me to, brenda dhe jashtë Shkollës së Lartë “Hëna e Plotë – BEDER”, mund të aplikojnë për t’u transferuar në programet e Ciklit të Dytë të në departamentin e Shkencave Islame, “Master i Shkencave” në Shkencat Themelore Islame.

Studentët që kanë kryer një semestër në një program të studimit të Ciklit të Dytë, mund të aplikojnë pranë sekretarisë mësimore brenda afateve të caktuara në kalendarin akademik, për t’u transferuar në Programin “Master i Shkencave” në Shkencat Themelore Islame, në përputhje me parimet e vendosura nga ana e Senatit.

Studenti që dëshiron të transferohet në programin “Master i Shkencave” në Shkencat Themelore Islame, për programet e studimit brenda Shkollës së Lartë “Hëna e Plotë – BEDER” duhet që përveç plotësimit të të gjitha kriterëve të përcaktuara për pranimin në programet e Ciklit të Dytë, t’i paraqesë një kërkesë me shkrim Komitetit Shkencor të këtij programi, ku të parashtrijë kërkesën për njohjen e krediteve të fituara në programin pararendës.

Studenti që dëshiron të transferohet në programin “Master i Shkencave” në Shkencat Themelore Islame nga institucione të tjera të arsimit të lartë brenda dhe jashtë vendit, duhet që përveç plotësimit të kriterëve të mësipërme, bashkë me kërkesën e aplikimit për transferim, të paraqesë një dokument zyrtar me notat përkatëse dhe brendësinë e lëndëve të zhvilluara.

Pas dorëzimit të dokumentacionit të mësipërm, Komiteti Shkencor i programit shqyrton kërkesën për njohjen e krediteve dhe bën vlerësimin e përputhshmërisë së programeve mësimore në bazë të dokumentacionit të paraqitur nga aplikuesi dhe merr vendimin përkatës.

Studentëve të cilët janë transferuar në këtë program u jepet diplomë me kushtin që të kenë kryer të paktën një semestër në Shkollën e Lartë “Hëna e plotë – BEDER”.

Neni 13
Numri i studentëve

Numri minimal i studentëve në Programin “Master i Shkencave” në Shkencat Themelore Islame është gjashtë dhe ai maksimal është pesëdhjetë.

Neni 14
Kushtet e pranimit

Për t`u pranuar në programin e studimeve “Master i Shkencave” në Shkencat Themelore Islame, çdo shtetas shqiptar apo i huaj që aplikon nevojitet të ketë përfunduar studimet për një diplomë universitare të nivelit Bachelor. Preferohen ata studentë që kanë mbaruar ciklin e studimeve të nivelit Bachelor në programin e studimit Shkenca Islame ose të ngjashëm me këtë program.

Neni 15
Vlerësimi i stafit akademik

Vlerësimi i titujve të stafit akademik është kompetencë e departamentit të Shkencave Islame dhe bëhet me procedura publike.

Neni 16
Udhëheqja e Tezës

Studentët që ndjekin këto programe studimesh kanë një udhëheqës për punën kërkimore dhe tezën që përgatisin për marrjen e diplomës në përfundim të studimeve të këtij cikli.

Udhëheqësi i tezës ka të paktën gradën shkencore “Doktor”.

Udhëheqësi nuk mbikëqyr më shumë se 10 (dhjetë) studentë njëkohësisht për temat e ofruara në programet e studimeve në fushat e shkencave shoqërore e humane. Fusha studimore-kërkimore në të cilën është specializuar udhëheqësi është në përputhje me fushën studimore në të cilën ofrohet programi i studimit. Udhëheqësi ka njohuri të përparuara teorike dhe aftësi të veçanta kërkimore në fushën në të cilën ofrohet programi i studimeve dhe në të cilën është parashikuar të hartohet teza.

Neni 15
Niveli i Gjuhës Angleze

Studentët e programit të studimit në fjalë japin deri në diplomim provimin e gjuhës angleze mbi bazën e testeve të njohura ndërkombëtare. Për programet e studimeve “Master i Shkencave” dhe programet e integruara të studimeve të Ciklit të Dytë niveli i gjuhës angleze është C1, kjo sipas Kuadrit Evropian të Gjuhëve.

KREU 3
DISPOZITA TË FUNDIT

Neni 15
Zbatimi

Kjo rregullore hyn në fuqi në ditën e miratimit të saj në Këshillin e Lartë të Shkollës së Lartë.

Zbatimi i kësaj rregulloreje sigurohet nga Rektori.